

VI.

Kirchliches Verordnungs-Blatt

für die

Lavanter Diözese.

Inhalt: I. Die Allocution Sr. Heiligkeit Papst Pius IX. vom 22. Juni 1868.
II. Abforderung von Ausweisen über die Versicherung sämtlicher Kirchen und Pfründen der Diözese gegen Feuerschäden.
III. Diözesan-Nachrichten.

I.

Sanctissimi Domini Nostri Pii Divina Providentia Papae IX. Allocutio habita in Consistorio secreto die XXII. Junii MDCCCLXVIII.

Venerabiles Fratres!

Nunquam certe fore putavissemus, Venerabiles Fratres, ut post Conventionem a Nobis cum Austriae Imperatore et Rege Apostolico, bonis omnibus exsultantibus, tredecim fere abhinc annis initam cogeremur hodierno die gravissimas deplorare aerumnas, et calamitates, quibus inimicorum hominum opera nunc in Austriaco Imperio catholica Ecclesia miserandum in modum affligitur ac divexatur. Siquidem divinae nostrae religionis hostes non destiterunt, omnia conari, ut eandem Conventionem destruerent, et maximas Ecclesiae, Nobis, et Apostolicae huic Sedi inferrent iniurias. Etenim die vicesima prima mensis Decembris superiori anno infanda sane ab Austriaco Gubernio veluti status fundamentum lata lex est, quae in omnibus Imperii regionibus etiam catholicae religioni unice addictis valere, et vigere omnino debet. Hac lege omnis omnium opinionum et librariae artis libertas, omnis tum fidei, tum conscientiae, ac doctrinae libertas statuitur, et civibus cuiusque cultus facultas tribuitur excitandi educationis, doctrinaeque instituta, et omnes cuiusque generis religiosae societates aequiparantur, et a Statu recognoscuntur. Equidem ubi primum id dolenter agnovimus, Nostram vocem statim attollere optavissemus, sed longanimitate utentes tunc silendum censuimus, ea praesertim spe sustentati, fore, ut Austriacum Gubernium iustissimis Venerabilium Fratrum Sacrorum in Austriae Antistitum expostulationibus dociles praebens aures vellet saniores induere mentem, et meliora suscipere consilia. Sed inanes Nostrae fuere spes. Namque idem Gubernium die vicesima quinta Maii hoc anno aliam edidit legem, quae omnes illius Imperii populos etiam catholicos obligat, et iubet, filios ex mixtis coniugiis natos sequi debere patris religionem, si masculi sint, si vero feminae religionem matris, et septennio minores debere parentum a recta fide defectionem sectari. Insuper eadem lege plane omnis deletur vis promissionum, quas merito, atque optimo iure catholica Ecclesia omnino exigit, ac praescribit antequam mixta contrahantur matrimonia, et ipsa apostasia tum a catholica, tum a christiana religione ad civile ius elevatur, et omnis Ecclesiae

auctoritas in sacra coemeteria de medio tollitur, et catholici coguntur humare in suis coemeteriis haereticorum cadavera, quando iidem haeretici propria non habeant. Ipsum praetera Gubernium eadem die vicesima quinta Maii huius anni non dubitavit de Matrimonio quoque legem promulgare, qua leges ad commemoratae Nostrae Conventionis normam editas plane abolevit, et in pristinum vigorem restituit veteres Austriacas leges Ecclesiae legibus vehementer adversas, et matrimonium etiam, uti dicunt, civile, omnino improbandum, asseruit, confirmavit, quando cuiusque cultus auctoritas deneget matrimonii celebrationem ob causam, quae nec valida, nec legalis a civili auctoritate recognoscatur. Atque hac lege Gubernium idem omnem Ecclesiae auctoritatem, et iurisdictionem circa matrimoniales causas, omniaque tribunalia de medio sustulit. Legem quoque de scholis promulgavit, qua omnis Ecclesiae vis destruitur, ac decernitur supremam omnem litterarum disciplinarumque institutionem, et in scholis inspectionem, ac vigilantiam ad Statum pertinere, ac statuitur, ut religiosa dumtaxat institutio in popularibus scholis a cuiusque cultus auctoritate dirigatur, utque variae cuiusque religionis Societates aperire possint peculiares, et proprias scholas pro iuventute, quae illam credendi normam profitetur, utque eiusmodi quoque scholae supremae Status inspectioni subiiciantur, ac doctrinae libri ab auctoritate civili approbentur, iis tantum libris exceptis, qui religiosae institutioni inservire debent, quique ab auctoritate cuiusque cultus approbandi sunt.

Videtis profecto, Venerabiles Fratres, quam vehementer reprobandae, et damnandae sint eiusmodi abominabiles leges ab Austriaco Gubernio latae, quae catholicae Ecclesiae doctrinae, eiusque venerandis iuribus, auctoritati, divinaeque constitutioni, ac Nostrae et Apostolicae huius sedis potestati et memoratae Nostrae Conventioni, ac vel ipsi naturali iuri vel maxime adversantur. Nos igitur pro omnium Ecclesiarum sollicitudine Nobis ab ipso Christo Domino commissa, Apostolicam vocem in amplissimo hoc vestro consessu attolimus, et commemoratas leges, ac omnia, et singula, quae sive in his, sive aliis in rebus ad Ecclesiae ius pertinentibus ab Austriaco Gubernio seu ab inferioribus quibusque Magistratibus decreta, gesta, et quomodolibet attentata sunt, Auctoritate Nostra Apostolica reprobamus, damnamus, et decreta ipsa cum omnibus inde consecutis eadem Auctoritate Nostra irrita prorsus, nulliusque roboris fuisse, ac fore declaramus. Ipsos autem illorum auctores, qui se catholicos esse praesertim gloriantur, quique memoratas leges, acta vel proponere, vel condere, vel approbare, et exequi non dubitarunt, obtestamur, et obsecramus, ut meminerint Censurarum, poenarumque spiritualium, quas Apostolicae Constitutiones, et Oecumenicorum Conciliorum decreta contra invasores iurium Ecclesiae ipso facto incurendas infligunt.

Interim vero summopere in Domino gratulamur, meritasque tribuimus laudes Venerabilibus Fratribus Archiepiscopis et Episcopis Austriaci Imperii, qui episcopali robore tum voce, tum scriptis Ecclesiae causam, et praedictam Nostram Conventionem impavide tueri, ac defendere, et gregem officii sui admonere non destiterunt. Atque vel maxime optamus, ut Venerabiles Fratres Hungariae Archiepiscopi et Episcopi, egregia eorum Collegarum exempla imitantes, velint pari studio et alacritate omnem in Ecclesiae iuribus tutandis, et in eadem Conventionem propugnanda impendere operam.

In tantis autem, quibus Ecclesia luctuosissimis hisce temporibus ubique affligitur, calamitatibus, non desinamus, Venerabiles Fratres, ardentiori usque studio in humilitate cordis nostri Deum exorare, ut omnipotenti sua virtute velit nefaria omnia suorum, et Ecclesiae suae sanctae inimicorum consilia disperdere, impiosque eorum conatus reprimere, impetus frangere, et illos ad iustitiae, salutisque semitas suae miseratione reducere.

II.

Indem das Ordinariat in pflichtmäßiger Ob Sorge für Kirchen- und Pfründengebäude nicht gleichgiltig sein kann, ob und wie diese Gebäude affekurirt und die Affekuranzbedingungen eingehalten werden, so sieht es sich hiemit zum Auftrage veranlaßt, daß sämtliche Kirchen- und Pfründenvorstellungen der Diözese im Wege der vorgesezten f. b. Dekanalämter bis 15. September l. J. einen Ausweis anher vorlegen, welcher nachstehende Rubriken zu enthalten hat:

1. Name der Seelsorge-Station.
2. Detaillirte Bezeichnung der Gebäude, für welche die Kirchen- und Pfründenvorstellung zu sorgen hat.
3. Angabe des Bau- und Deck-Materials jedes dieser Gebäude.
4. Ob und bei welcher Anstalt jedes dieser Gebäude affekurirt ist.
5. Bezeichnung des affekurirten Werthes.
6. Bezeichnung der jährlich zu zahlenden Affekuranz-Prämie.
7. Termin, bis zu welchem das Objekt affekurirt ist.
8. Angabe der hierüber im Besiz der Kirchen- und Pfründenvorstellung befindlichen Dokumente.
9. Anmerkungen.

Sollten irgendwo kirchliche Gebäude gar nicht versichert sein, so sind die zu versichernden Gebäude und sonstigen Objekte genau zu bezeichnen und zugleich die Ursache anzugeben, warum diese Vorsichtsmaßregel bisher unterblieben ist.

Ferner, wenn welche Kirchen- und Pfründenvorstellung, deren Gebäude bereits bei einer anderen Anstalt versichert sind, zu der vom Ordinariate wiederholt anempfohlenen Riunione Adriatica di Sicurtà zu übertreten wünschen, so haben sie am Schluß dieser oberrwähnten Ausweise diesen Wunsch auszusprechen und ihre bisherigen Versicherungs-Dokumente dem Ordinariate zur Einsichtnahme und Umschreibungsveranlassung einzusenden.

III.

Diözesan-Nachrichten.

Neue Anstellungen: Herr Georg Kojchel als Provisor zu Süssenberg. Herr Franz Klauscher als Provisor zu St. Judok am Kojak. Herr Dr. Johann Lipold als 1. und Herr Barthlmä Boch als 2. Kaplan zu Franz; Herr Johann Krischanitsch als Kaplan zu St. Martin bei Wurmberg; Herr Anton Lazko als 2. Kaplan zu St. Georgen an der Stainz; Herr Anton Pust als Kaplan zu St. Ruperti ob Luffer; Herr Franz Ferk als Kaplan zu St. Gertraud ob Luffer; Herr Johann Traß als Kaplan zu Unterpulsgau; Herr Anton Goretschan als 2. Kaplan zu Trisail; Herr Anton Kautschitsch als 2. Stadtpfarrkaplan zu W. Feistritz; Herr Martin Sapuch als Kaplan zu Kopellen; Herr Johann Lenart als 2. Kaplan zu Skalis; Herr Vinzenz Plaskan als 2. Kaplan zu Weitenstein; Herr Josef Probst als Kaplan zu Lembach; Herr Rodoschek Anton als 2. Kaplan zu Traßlau; Herr Georg Schmauz als 2. Kaplan zu Oberburg; Herr Florian Wisovischeck als Kaplan zu St. Kaveri; Herr Blasius Bilenscheck als 2. Kaplan zu St. Martin bei W. Graz.

Uebersetzungen: Herr Johann Brabl als 1. Kaplan nach Reichenburg; Herr Andreas Kraner als Stadtpfarrkaplan nach Pettau; Herr Josef Lach als 2. Kaplan nach Schleinitz bei Marburg; Herr Ferdinand Jan als 1. Kaplan nach Oberburg; Herr Jakob Petschnif als 1. Kaplan nach St. Marein bei Erlachstein; Herr Anton Mertschnif als 2. Kaplan nach Luttenberg; Herr Petschnif Peter als Kaplan nach Artisch; Herr Gostentschnif Peter als Kaplan nach Greis; Herr Johann Bapt. Kunei als Kaplan nach M. Neustift bei Pettau; Herr Koschar Jakob als 1. Kaplan nach Taring; Herr Koschar Mathias als Kaplan nach St. Benedikten in W. B.; Herr Stuchez Markus als Kaplan nach Leskovez; Herr Mersusch Anton als Kaplan nach St. Martin im Rosenthale.

Herr Martin Kobatschitsch, Professor der Theologie und Subdirektor des Priesterhauses zu Marburg, wurde zum f. b. Vakanter geistl. Rathe ernannt. Herr Josef Voisk und Herr Georg Jugoviz treten krankheitshalber in den zeitweiligen Ruhestand.

Gestorben ist der Subelpriester und pensionirte Kurat von Maria in der Wüste, Herr Georg Skof.

J. B. Vakanter Ordinariat zu Marburg am 26. August 1868.

Jakob Maximilian,
Fürstbischof.